

者亦當有不從事一夫者何可鑿定此誼未為允矣然則訓姪為米飛非是但說文云姪兄之女也疑今本有缺誤段玉裁依爾雅改作女子謂兄弟之子也不為無理然白虎通謂之姪者何兄之子也太平御覽引左傳服虔注云兄子曰姪隱元年左傳釋文引字林云姪兄女也毛詩鵲巢釋文云兄女曰姪漢書杜欽傳注兄弟之女則謂之姪則不得遽改說文舊文也谷川氏曰米飛當對乎比之名是說似是本居氏曰米飛蓋女甥之義恐非

〔伊呂波字類抄〕

人倫違姪男兄弟之子曰姪又兄弟之女曰姪ナヒ

〔伊呂波字類抄〕

人倫違姪女名無女字只一字也釋

〔釋親考〕女子謂景弟之子為姪ヲイメ

黃氏曰姪者姑呼其兄弟之女子子名也古人謂兄弟之子猶子也故以子呼之今乃謂之姪則失之矣

丘氏曰古人姊妹於兄弟之子且有稱呼顧兄弟於兄弟之子獨無稱焉而一槩以姪稱則是男女無別

矣然則曷以為稱曰古謂同祖兄弟為從兄弟謂母之姊妹為從母則當稱從子為是釋名姑謂兄弟之

女為姪姪迭也共行事夫更迭進御也儀禮器服傳姪者何也謂吾姑者吾謂之姪賈公彥疏云吾謂之

姪者名唯對姑生稱若對世叔唯得言昆弟之子不得姪名也困學紀聞顏延之曰伯叔有女名則兄弟

之子不得稱姪從母有母名則姊妹之子不可言甥且甥姪唯施與姑舅耳雷次宗曰姪字有女明不及

伯叔甥字有男見不及從母劉共父刊二程先生集改姪為猶子朱文公謂古人固不謂兄弟之子為姪

亦無云猶子者注記禮者之言猶己之子但云兄之子弟之子然從俗稱姪亦無害於義理也○中會典

兄弟之子即姪男其婦即姪姊兄弟之女即姪女

胤按姪之稱通男女故儀禮云姪大夫婦人報唯其生名自姑而呼之耳故非自伯叔稱之也自伯叔

呼之則禮稱昆弟之子孔子以其兄之子妻之是也又杜甫送重表姪王砮音評事使南海詩我之曾

老姑爾之高祖母邵寶注云曾老姑王珪母也